

Hustong pag-andam sa semilyahan

- 1** Palabyan ug tubig ang semilyahan adaser darohon aron mapaturok ang mga liso sa sagbot ug ang mga tagak nga kugas sa humay sa niaging tingtanum.
- 2** Daruhon ang luna sa semilyahan, palapawan ug tubig sulod sa usa ka semana.
- 3** Karason o sudlayon sa 3 ka higayon ang yuta o hangtod sa makab-ot ang ensakto nga pag kalapok sa yuta
- 4** Usa ka adlaw sa dili pa isabwag ang semilya, ipabundo ang semilyahan ngadto sa 4-5 senti metro ang gihabugon pinaagi sa pagkalot sa yuta sa palibot niini.
 - Ang semilyahan kinahanglan 1 ka metro ang kalapdon ug bisan unsa nga gusto nga katas-on.
 - Ang kinatibuk-ang luna sa semilyahan nanginahanglan ug 400 metro kwadrado sa matag ektarya nga talamnan.
 - Gahinan ug 40 ka sentimetro nga lat-ang sa matag semilyahan aron sayon ang pagdumala sa niini.
- 5** Kung mahimo, magbutang ug 10-15 ka sako nga organikong materyales matag 400 metro kwadrado nga semilyahan (pwede ang inuling nga tipaka sa humay, serin, kinuhaan sa lanot sa bunot o 'coir dust') aron humok o bukagay ang yuta sa semilyahan. Isagol ang organikong materyales ibabaw sa semilyahan ug patagon kini sa dili pa isabwag ang binhi. Kani makatabang nga mapasayon ang pagganit sa semilya ug malikayan ang pagkapugtod sa gamut sa panahon sa pag-ibot.



Pagbutang sa organikong abono sa semilyahan nagapasayon sa pag-ibot